

SA's Leading Past Year

Exam Paper Portal



You have Downloaded, yet Another Great
Resource to assist you with your Studies 😊

Thank You for Supporting SA Exam Papers

Your Leading Past Year Exam Paper Resource Portal

Visit us @ www.saexampapers.co.za



**SA EXAM
PAPERS**



basic education

Department:
Basic Education
REPUBLIC OF SOUTH AFRICA

NATIONAL SENIOR CERTIFICATE

GIREIDI YA 12

TSHIVENDA LUAMBO LWA U ENGEDZA LWA U THOMA (FAL)

BAMMBIRI LA VHUVHILI (P2)

LARA 2017

MARAGA: 70

TSHIFHINGA: Awara 2

Bammbiri ili li na masiatari a 20.

PFESANI

1. Vhalani siatari heli nga vhuronwane ni sa athu u fhindula mbudziso.
2. Ni SONGO lingedza u vhalu bammbiri lothe. Tolani Thebulu ya Zwi re Ngomu kha siatari li tevhelaho ni swaye nomboro dzo disendekaho kha bugu dze na guda nwaha uno. Vhalani mbudziso idzo ni koneha u nanga dzine na tama u fhindula.
3. Bammbiri heli lo vhumbwa nga KHETHEKANYO NNA:

KHETHEKANYO YA A: Nganea (35)
KHETHEKANYO YA B: Dirama (35)
KHETHEKANYO YA C: Nganeapfufhi (35)
KHETHEKANYO YA D: Vhurendi (35)
4. Fhindulani MBUDZISO MBILI dzo fhelela u bva kha khethekanyo MBILI DZINWE na DZINWE.

KHETHEKANYO YA A: NGANEA
Fhindulani mbudziso MBILI kha nganea ye na guda.

KHETHEKANYO YA B: DIRAMA
Fhindulani mbudziso DZOTHE kha dirama ye na guda.

KHETHEKANYO YA C: NGANEAPFUFHI
Fhindulani mbudziso DZOTHE kha nganeapfufhi dze na newa.

KHETHEKANYO YA D: VHURENDI
Fhindulani mbudziso DZOTHE kha zwirendo zwe na newa.
5. Thomani KHETHEKANYO INWE na INWE kha siatari LISWA.
6. Shumisani mutevhe wa u sedzulusa uri u ni thuse.
7. Tevhedzani ndaela dzo nwalwaho mathomoni a KHETHEKANYO INWE na INWE nga vhuronwane.
8. Nomborani phindulo dzanu kokotolo sa zwe mbudziso dza nomboriswa zwone kha bammbiri la mbudziso.
9. Ndangatshifhinga yo anganyiwaho: Shumisani minetse i re henefha kha 60 kha KHETHEKANYO INWE na INWE.
10. Nwalani nga vhudele nahone zwi no vhonala.

ZWI RE NGOMU

Siātari ili li do thusa vhalingiwa kha u nanga mbudziso dzine vha toḁou dzi fhindula vha songo vhuya vha vhala bammbiri lothe.

KHETHEKANYO YA A: NGANEA		
Fhindulani mbudziso DZOTHE kha nganea ye na guda.		
NOMBORO YA MBUDZISO	MARAGA	SIATARI
1. <i>U tshila ndi u vhona</i>	17	5
2. <i>U tshila ndi u vhona</i>	18	6
3. <i>Ho-dina one</i>	17	8
4. <i>Ho-dina one</i>	18	9
KHETHEKANYO YA B: DIRAMA		
Fhindulani mbudziso DZOTHE kha dirama ye na guda.		
5. <i>Findinkodo</i>	18	11
6. <i>Findinkodo</i>	17	13
KHETHEKANYO YA C: NGANEAPFUFHI		
Fhindulani mbudziso DZOTHE kha zwirendo zwe na newa.		
7. 'Ndi a putedza ha itea dembe'	18	15
8. 'Dokotela wa mukhuwa nandi'	17	16
KHETHEKANYO YA D: VHURENDI		
Fhindulani mbudziso DZOTHE kha zwirendo zwe na newa.		
9. 'Thingothendeleki'	18	18
10. 'Muungeledzi'	17	19

MUTEVHE WA U SEDZULUSA

Itani luswayo kha khethekanyo dze na fhindula dzone.

KHETHEKANYO	MBUDZISO	MBUDZISO DZI TEAHO U FHINDULWA	LUSWAYO √
A: Nganea	1–4	2	
B: Dirama	5–6	2	
C: Nganeapfufhi	7–8	2	
D: Vhurendi	9–10	2	
PFESESANI: Ivhani na vhuṭanzi uri no fhindula mbudziso u bva kha khethekanyo MBILI fhedzi.			

KHETHEKANYO YA A: NGANEA

U TSHILA NDI U VHONA – RN Madadzhe

Fhindulani mbudziso DZOTHE kha idzo dzi re afho fhasi dzo disendekaho kha nganea ye na guda.

MBUDZISO 1

Vhalani mafhungo a tevhelaho a bvaho kha nganea ye na guda uri ni kone u fhindula mbudziso dzo vhudziswaho. Vhulapfu ha phindulo yanu vhu do langwa nga tshivhalo tsha maraga dzo avhelwaho kha yeneyo mbudziso.

TSHIBVELEDZWA TSHA A

Mpho o ri u pfa fhungo ili a zwi divha uri Maria u khou amba mini. A thoma u takala na zwenezwo.

'Naa zwino o no vha afhio? No tou da u mmbudza zwenezwo?'

'Ni khou toda ndi tshi tou bula ndi wa musidzana?'

Maria u ralo a tshi khou riweniwela, a dovha a isa phanda.

5

'A thi ri hu pfi **khuhu ya phambo a i imbi mutsho!**'

Maria u ralo na ala mano awe matshenatshena a tshi vhonala a tshi tou vhangama.

'Zwi na mini? Bulani! Ano maduvha a hu tshe na u pfi gukulume kana phambo.'

'Ngauri ni khou nkombetshedza uri ndi bule, ndi do bula. Mpho!'

10

'Ndaa.'

'Ni tshi tou ntsedza-vho sa musidzana, ni mmbona hani?'

'U amba ngoho zwi a tshidza Maria, nne ndi ni vhona ni musidzana wavhudi nga maanda.'

'Arali zwo ralo, na nne ndi pfa ndo takala nga maanda.'

15

'Tshinwe hafhu ndi tsha u ri ndo da u ni ramba uri ...'

'Nne zwa u ya phathini a thi pfani nazwo, ndi fhano ndo no tou neta nga u twa ndi tshi ya dziphathini.'

'Inwi ni khou dina nga u nnzhena hanwani. Nne a thi khou ni ramba u ya phathini lini. Ni khou rambwa nga nne.'

20

'Ndi khou rambwa nga inwi?'

'Ndi khou ni ramba uri matshelo ni de nduni yanga ri le rothe zwiliwa zwa nga madekwana.'

- 1.1 Mpho u takadzwa nga mini mafhungoni aya? (1)
- 1.2 Bulani fhethu he avha vhaambi vha tangana hone. (1)
- 1.3 Sumbedzani zwiito zwa Maria zwi no mu tana sa tseramisiamelo. (2)
- 1.4 Muaneva dende ndi Mpho. Ndi ngani ni tshi ralo? (2)

- 1.5 Lifurase lo swifhadzwaho li ni disela muhumbulo ufhio no disendeka na nyito dzo bvelelaho buguni. (2)
- 1.6 Mafhungo a re afho nthā a tana tshipida tsha mathomele. Ndi ngani ni tshi ralo? Tikedzani. (2)
- 1.7 Sumbedzani masiandaitwa o welaho Mpho nga u sa thonipha mufumakadzi wawe siani la lufuno. (2)
- 1.8 Zwa vhufarekano mishumoni ni vhona zwo tea naa? Tikedzani phindulo yaṇu. (2)
- 1.9 Arali no vha ni khonani kana shaka la Maria, no vha ni tshi nga mu eletshedza zwifhio siani la vhudifari hayani na mushumoni? (3)
- [17]

NA

MBUDZISO 2

Vhalani mafhungo a tevhelaho a bvaho kha nganea ye na guda uri ni kone u fhindula mbudziso dzo vhudziswa. Vhulapfu ha phindulo yaṇu vhu do langwa nga tshivhalo tsha maraga dzo avhelwaho kha yeneyo mbudziso.

TSHIBVELEDZWA TSHA B

'Kha izwo vha songo ofha tshithu. Rine ri do phetha mushumo hoyo, na vhuṭala a vhu nga do vhonala.'

Mpho o mbo di bvisa masheleni a si gathi a fha vhatannga avha. U bva afha, a ho ngo tsha vha na zwiṇwe arali hu si u humela hayani hawe.

Dugudzha na Dzwaini vho sala vha langana zwauri vha do ya nduni ya Mashudu 5
nga madekwana a Lavhutani. Lavhutani lo ri li tshi swika, ho no vha
madekwana, vho mbo di livha ngei nduni ya Mashudu. Afha zwandani vha
vhonala vho ambara dzigilafu ngeno zwifhatuwo zwo thivhiwa nga miṇadzi, ho
tou sala ningo na maṭo fhedzi. Hu songo fhela tshifhinga tshingafhani, vha mbo
di vha vha tshi ri vho wa ha Mashudu. 10

'Ro swika nduni ya Mashudu.' Ndi Dzwaini.

'Ndi hone naa inwi?'

'Ee! Ndi hone.'

'Hafhu ni vhe no sedzesa nga maanda, a thi todi ri tshi sokou dzhena nduni ya
muthu ane a si vhe ene.' 15

'Ndu ya Mashudu ndi a i divha nga maanda. Ndi hone henefha! Lula lutambo
lwa u ita mushumo no bva nalwo?'

'Ndo bva nalwo?'

Ndu ya Mashudu i vhonala i kha di vha yo fungwa mavhone. Hone ho vha hu
sa vhonali thavhithavhi ya vathu vhunga Mashudu o vha a tshi dzula e ethe. 20

Dzwaini o mbo di khokhonya kha vothi.

- 2.1 Bulani fhethu hune aya mafhungo a khou bvelela hone. (1)
- 2.2 Ndi mushumo de u no do phethwa nga vhaambi afho mafhungoni? (1)
- 2.3 Sumbedzani tshivhangi tsha khudano vhukati ha Mpho na Mashudu. (2)
- 2.4 U funesa tshelede ndi zwone mudzi wa tshivhi. Tikedzani likumedzwa ili no disendeka kha zwo bvelelaho kha Dzwaini na Dugudzha. (2)
- 2.5 Mafhungo e na vhala afho ntha, a ri isa kha nyito dzifhio dza mathakheni a nganeapfufhi iyi? (2)
- 2.6 Mafhungo aya a tutuwedza hani magumo a nganeapfufhi iyi? (2)
- 2.7 Ndivho ya muniwali kha nganeapfufhi iyi ndi ifhio? (2)
- 2.8 U funzea ha Mpho zwo mu thusa kha u wana thanziela fhedzi a zwo ngo mu fhata mihumbuloni. Tendani kana ni hanedze ni dovhe ni tikedze phindulo yaanu. (2)
- 2.9 Zwo bvelelaho kha thasululo ya nganeapfufhi iyi zwi a tendisea naa? Tikedzani phindulo yaanu. (2)
- 2.10 Vhudipfi hanu ndi vhufhio no sedza u lingea ha Dzwaini na Dugudzha kha u didzhenisa kha u pfuka mulayo. (2)
- [18]

HO-DINA ONE – Sharon Mbedzi

Fhindulani mbudziso DZOTHE kha idzo dzi re afho fhasi dzo disendekaho kha nganea ye na guda.

MBUDZISO 3

Vhalani mafhungo a tevhelaho a bvaho kha nganea ye na guda uri ni kone u fhindula mbudziso dzo vhudziswa. Vhulapfu ha phindulo yaṅu vhu ḑo langwa nga tshivhalo tsha maraga dzo avhelwaho kha yeneyo mbudziso.

TSHIBVELEDZWA TSHA C

Vho ri vhe kati na nyambo yeneyi ha vha hu tshi khou swika Osbon. A ene musuku a tshi bvela phanda na u amba: 'Au, izwi ndi Osbon, swikani **ri suke liṛiwe fhungo** hafha line la khou ri kanganyisa arali zwi si zwa u fhambana nga kuhumbulele na kuvhonele kwa zwithu.'

Osbon o ri u swika a ima phanda ha avha vhavhili. 'Hu pfi ndi lifhio fhungo la 5
hone?'

'A thi ri 2010 yo fhira, inwi ri vhudzeni thama yanga, yo ni fara hani?' O ri u ralo Musuku a kweta thoho o sedza fhasi.

'Mashika a niwaha ndi eneo. U fhirwa nga minwaha yothe yo fhiraho. I ngafhi mishumo ye magalaha a ri i ḑo vha hone? Thumbu i khou ita uri hu vhe na 10
zwilonda milomoni ya vhaṅani.' O ri u ralo Osbon a peta zwanda a zwi vhea kha khana.

Musuku o tou fa nga maseo he a fhedza nga u rwa gona lawe nga tshanda tsha u la.

'Khezwi u tshi nga wo ni sinyusa niwaha wa 2010?' U khou ralo Musuku a tshi 15
khou bvela phanda na u sea.

'Khamusi arali hu tshee na Vho Mandela, havhala vho vha tshi divha na u pfesesa vhuyo havho. U bva nga niwaha wa gidi-mbili thanu, zwithu zwo no sokou shanduka. A ni ambi uri riṅe ro pfuma vhukuma ngeno vhathu vha tshi khou ditongisa nga zwibveledzwa zwa maṛwe mashango. Fhano vha tou nambatedza 20
tshipugathalu ntha ha henengeo, ndi mini zwenezwo.' U khou ralo Osbon a tshi sumbedza na nga zwanda thovhela.

- 3.1 Mafhungo e na vhalo a andadza tshipida tsha mathomo. Ndi ngani ni tshi ralo? (1)
- 3.2 Bulani vhushaka vhu re hone vhukati ha Ngeletshedzo, Musuku na Osbon. (1)
- 3.3 Huna khudano ya nga nda i re afho mafhungoni. Ndi ngani ni tshi ralo? Tikedzani phindulo yaṅu. (2)
- 3.4 Vhambedzani kuhumbulele kwa Ngeletshedzo na Osbon no sedza mitambo ya bola ya lifhasi ya 2010. (2)

- 3.5 Talutshedzani lifurase lo swifhadzwaho mafhungoni ayo. (2)
- 3.6 Ngeletshedzo ndi muanewa dende. Ndi ngani ni tshi ralo? Tikedzani phindulo yaṅu. (2)
- 3.7 No ditika nga mafhungo a re buguni iyi ndi zwifhio zwi si zwavhuḍi zwe Ngeletshedzo a ita zwi no kwama tshikolo. (2)
- 3.8 Ndi zwifhio zwine Osbon a divhelwa zwone zwe Ngeletshedzo a zwi shavha kha bugu iyi? (2)
- 3.9 Inwi ni vhona izwi zwa Ngeletshedzo zwa u litsha tshikolo zwi zwavhuḍi? Ndi ngani ni tshi ralo? (3)
[17]

NA

MBUDZISO 4

Vhalani mafhungo a tevhelaho a bvaho kha nganea ye na guda uri ni kone u fhindula mbudziso dzo vhudziswa. Vhulapfu ha phindulo yaṅu vhu ḍo langwa nga tshivhalo tsha maraga dzo avhelwaho kha yeneyo mbudziso.

TSHIBVELEDZWA TSHA D

Lo ri li tshi vho ṭodou ita vhusikukati, vha vha vha tshi khou swika kha la Ṭhohoyandou. U swika mafhandeni a u ya yunivesithi yeneyi ya Venda, vha dzhena kha garatshi ya u ya kha tshanda tsha u la musi vha tshi khou bva Shayandima vha shela zwivhaswa kha goloi vuvhili hadzo. Vha sa a thu u fhira vha imela thungo zwituku hanefho garatshini sa vathu vhane vha khou ṭodou 5
awela. Ndi musi vhe heneffho he vha pfesesa u davihdzana na Ngeletshedzo.
'Veronica kwamani tsilu laṅu uri livhe li tshi dilugisa. Rine hafhu ri shuma nga tshifhinga.' Ndi Sibongile we a ralo o bvula na ngilasi dzawe matoni. Mato vhu vhuialia sa nowa yo pfa lushada.
Nga itshi tshifhinga o vha a tshi vho thoma u lu muṅa lwa hawe. 10
Veronica o vha a si na thaidzo sa vhunga o vha a tshi vho kona u lu pfa a dovha a kona na u fhindula.
'Ho luga vathu kha vha ri ndi mbo di mu kwama.' O ri u ralo a mbo di putedza-putedza lutingokhwalwa lwa Sibongile fhalā. Lwo ri u dzhena a mbo di netshedza Sibongile uri vha davihdzane. 15
'Munna, zwa zwino ndi hafha mafhandeni a u ya vhukati ha dorobo na hafha luvhandeni lwa bola. Veronica o ri nea matshimbilele othe uri ri swike mudini. Ri rothe u swika afho?'

- 4.1 Ndi vhonnyi vho swikaho Ṭhohoyandou li tshi vho ṭodou vha vhusikukati? Bulani VHAVHILI fhedzi nga madzina avho. (2)
- 4.2 Ndi ngani vathu avha vho diwana vhe Ṭhohoyandou? (2)

- 4.3 Mafhungo a re afho n̄tha a t̄ana tshipida tsha mathakheni. Tikedzani phindulo yañu. (2)
- 4.4 Ndi maano afhio e Veronica a a luka uri a kone u wana tshelede kha Ngeletshedzo? Tandavhudzani. (2)
- 4.5 Musi no sedza nyambedzano yo vhaho hone vhukati ha Ngeletshedzo na malume awe Vho Maboho, ni vhona Ngeletshedzo e muthu wa mvumbode? Bulani ZWIVHILI fhedzi. (2)
- 4.6 Dzina la bugu li pfi: *Ho dina one*. One hu khou ambiwa mini nahone sumbedzani uri o dina hani? (2)
- 4.7 Sibongile na lugwada lwawe vho divha hani hune Ngeletshedzo a dzula hone ngeno hu lwa u thoma vha tshi ya? (2)
- 4.8 Vhalani mutaladzi hoyu: 'Veronica, kwamani tsilu lanu uri li vhe li tshi dilugisa.' Khwathisedzani chungoho ha fhungo ili no disendeka nga zwo bvelelaho buguni iyi. (2)
- 4.9 Ngavhe inwi no vha ni khonani ya Ngeletshedzo, no vha ni tshi nga mu eletshedza zwifhio zwi tshi elana na kutshilele kwawe nga murahu ha lufu lwa mme awe? (2)
- [18]

THANGANYELO YA KHETHEKANYO YA A: 35

KHETHEKANYO YA B: DIRAMA**FINDINKODO – TT Mudau**

Fhindulani mbudziso DZOTHE (Mbudziso pfufhi) kha idzo dzi re afho fhasi dzo disendekaho kha dirama ye na guda.

MBUDZISO 5

Vhalani mafhungo a tevhelaho a bvaho kha dirama ye na guda uri ni kone u fhindula mbudziso dzo vhudziswaho. Vhulapfu ha phindulo yanu vhu do langwa nga tshivhalo tsha maraga dzo avhelwaho kha yeneyo mbudziso.

TSHIBVELEDZWA TSHA E

MUTHUMUKHULU:	Ndo ni vhidza uri ndi ni divhadze uri De Wit o ndalela.	
SKOSANA:	Naa vhushaka havho na De Wit a vhu athu u fhela? Naa a thi ri o bva muvhusoni? U kha di toda mini?	
MUTHUMUKHULU:	<i>(Nga ipfi lo dzikaho.)</i> A thi athu u fhedza u amba.	
SKOSANA:	<i>(U kotamela fhasi.)</i> Kha vha ambe.	5
MUTHUMUKHULU:	<i>(U a hotola.)</i> Vha toda u fara phurovintsi ya Kapa Vhukovhela.	
SKOSANA:	Mini?	
DUMA:	Khezwi vha sa bvi hothe.	
SKOSANA:	Havha vhathu ndo vha vhona, a vhaho kha u fhata, vha toda u vhangana ndado.	10
MUTHUMUKHULU:	Na fhumula-a!	
SKOSANA:	Hedzi thama dzavho Muhulisei zwino vhone vho ri mini khadzo?	
MUTHUMUKHULU:	Ni songo hangwa zwauri rothe ri khou shuma hafha fhethu, ro vhea dzimbilu dzashu kha u takadza mudzulapo muñwe na muñwe wa shango lashu. <u>Hafhano ri kha u fhata lushaka.</u>	15
DUMA:	<i>(U a sea.)</i> Zwi tou vha khagala uri Muhulisei vho tendelana na maambiwa a Vho De Wit.	20
MUTHUMUKHULU:	Ii, ndo tenda, vho inwi ni humbula uri zwi tou itiswa hani?	
SKOSANA:	Idzi khetho dza masipala dzi daho, na dzenedzi thama dzavho dzi do di khampheina?	
MUTHUMUKHULU:	Ndo ri vha khampheine nga hune vha nga kona uri vha pfe vho vho fholowa. Naa a thi ri vha toda u vhona maanda ane vha vha nao?	25
SKOSANA:	Zwino, Muhulisei, hafhu vho vhuya vha amba uri vha khou do bva kha zwa polotiki minwahani i daho?	
MUTHUMUKHULU:	Ndo ralo.	
SKOSANA:	<i>(U sedza Duma.)</i> Ii, kani a vho ngo ralo?	30

- 5.1 Fhethuvhupo ha mafhungo aya ndi ngafhi? (1)
- 5.2 Muthumukhulu o olwa sa mubvumbedzwa wa lushaka lufhio? (1)
- 5.3 Ndi zwifhio zwine Skosana a fhambanela zwone na Muthumukhulu kha mafhungo e na vhala? (2)
- 5.4 Mafhungo e na vhala a wela kha tshipida tsha u bveledza mafhungo. Tikedzani. (2)
- 5.5 Mahoro mavhili ane a khou fhambana ndi afhio? (2)
- 5.6 No sedza kha mutaladzi wa 17 na 18, nangani phindulo yo teaho kha mutevhe wo nekedzwaho:
Musi hu tshi pfi 'Hafhano ri kha u fhaṭa lushaka.' Zwi amba uri ...
- A vharema vha ime zwavhudi.
B vhathu vha tshilisane.
C dziminisiṭa dzi hole nga maanda.
D u fhiritanya vhathu. (1)
- 5.7 De Wit ane a khou ambiwa afha ni mu vhona sa muanewa wa mvumboḁe zwi tshi ḁa kha vhushaka hawe na vharema? (2)
- 5.8 Ṭalutshedzani zwine lifurase ili la amba zwone 'Khezwi vha sa tou bva tshoṭhe.' (2)
- 5.9 Muthumukhulu na Skosana a vha vhoni zwithu u fana. Ni a tendelana na uyu muhumbulo naa. Tikedzani phindulo yaṇu. (2)
- 5.10 Ndi ifhio ngeletshedzo ine na nga i nea mahoro ane a khou lwa? (3)
- [18]

NA

MBUDZISO 6

Vhalani mafhungo a tevhelaho a bvaho kha dirama ye na guda uri ni kone u fhindula mbudziso dzo vhudziswa. Vhulapfu ha phindulo yanu vhu do langwa nga tshivhalo tsha maraga dzo avhelwaho kha yeneyo mbudziso.

TSHIBVELEDZWA TSHA F

DE WIT:	(U a hotola.) Vhahashu, u dzhenelela hashu kha muvhuso uyu wa mbuelano ya lushaka, zwi nga zwi do disa tsira kha lihora lashu. (A tshi posa ma to a wana tshanda tsho no ima.) Mulandu?	
COETZEE:	Tsira ya mini, khufha ri tshi khou vhusa shango?	
DE WIT:	Ilo-vho nne a thi imi nalo, ngani ngauri khufha tshashu hu u 5 bvumela lumbo lwo simiwahi nga Madimokirati. Vhahashu, kha ri tende zwuri Madimokirati vha na maanda, ngauri na zwidulo zwe vha wina phalamendeni ndi zwinzhi. (Hu pfala phosho.)	
MUNNA:	Nne ndi ima na muhulisei Vho De Wit. A thi vhoni ri tshi kha di 10 vha na mulomo kha khabinethe yo rangwaho phanda nga Madimokirati. Khwine kha ri be, ri sasladze hoyu muvhuso wa mademokirati ri nda ha khabinethe.	
DE WIT:	Khe lo fhungo!	
COETZEE:	Vhanna, polotiki ya u sasladza muvhuso na u khwikhwidzela gariki 15 murahu yo fhelelwa nga mushumo. Naa khezwi ri sa omeleli muvhuso wonoyo ra u tikedza nga hune ra nga kona? Vhathu ri songo hangwa hune ra bva hone. Mvelaphanda ndi nge ra i tumba ntsha nga mulayo washu wa kethanongalukanda.	
DE WIT:	Minista Coetzee, nnee ndevhe.	20
COETZEE:	Ndo thetshelesa.	
DE WIT:	Rine ri khou bva muvhusoni hoyu ri na muya wa u fhata. U tikedza hashu muvhuso wa Madimokirati zwi do ri sia rine ri si tshee na mushumo u pfalaho. Nahone arali ra sa bva kha uno muvhuso ndi hone u fa ha lihora La Lushaka!	25
COETZEE:	U bva hashu kha muvhuso wa mbuelano, ndi u latedza vha vhe vha ri voutela.	

- 6.1 Mafhungo e na vhalo a tana tshipida tsha mathomele. Ndi ngani ni tshi ralo? (1)
- 6.2 Vhathu vhane vha khou ambedzana vha khou fariswa khakhathi nga vhafhio? (1)

- 6.3 Havha vhathu vho fhulufhuwa kha zwa polotiki. Tikedzani muhumbulo uyo. (2)
- 6.4 'Hetshi a si tshifhinga tsha Paul Kruger.' Fhambanyani tshifhinga tshine tsha khou ambiwa nga hatsho na tsha zwino. (2)
- 6.5 Nangani phindulo yo teaho kha mutevhe wo nekédzwaho. Vhane vha khou amba a vha tshe na maanda ngauri:
- A Vha khou lwa nga tshavho.
B Murangaphanda wavho u a ofha.
C A vha na zwidulo zwinzhi phalamendeni.
D De Wit u khou vha latedza. (1)
- 6.6 De Wit na Coetzee a vha vhoni zwithu u fana. Ni a tendelana na muhumbulo uyo? Tikedzani phindulo yaṅu. (2)
- 6.7 Ndi ngani vhatshena avha vha tshi khou tshuwa zwine zwa khou ḁa? (2)
- 6.8 Ni tendelana u guma ngafhi na zwe Coetzee a amba a tshi ri: Vhanna, polotiki ya u sasaladza muvhuso ... nga mushumo. (2)
- 6.9 Zwine vharema vha khou ita kha vhatshena ni vhona zwo tea? Tikedzani phindulo yaṅu. (2)
- 6.10 Ni vhona nndwa dzine dza khou bvelela vhukati ha madzangano a polotiki buguni iyi dzo tea naa? Tikedzani phindulo yaṅu. (2)

[17]

ṰHANGANYELO YA KHETHEKANYO YA B: 35

KHETHEKANYO YA C: NGANEAPFUFHI

ZWA VHUTSHILO – NA Milubi na LL Mafenya

Fhindulani mbudziso DZOTHE kha idzo dzi re afho fhasi dzo disendekaho kha nganeapfufhi dze na guda.

MBUDZISO 7: 'NDI A PUTEDZA HA ITEA DEMBE' – NA Milubi

Vhalani mafhungo a tevhelaho a bvaho kha nganeapfufhi ye na guda uri ni kone u fhindula mbudziso dzo vhudziswaho. Vhulapfu ha phindulo yanu vhu do langwa nga tshivhalo tsha maraga dzo avhelwaho kha yeneyo mbudziso.

TSHIBVELEDZWA TSHA G

Vha mbo di monisa khii, vothi la vulea. Vha dzhena vha li vala zwavhudi vha sa vhuyi vha ita phosho. Vha dzhenisa khii vhe nga ngomu, vha monisa, ha vha u khia. Vha ima vha sedza, vha wana ho tou bodobodo nga swiswi. Vha nangavhedza vha swika vha dzhena rumuni ya u edela. Vha vula xaradeni zwitukutuku uri vha kone u vhona zwavhudi nda. Vho no ita ngauralo vha mbo 5
di dzula heneffa thodzini ya mmbete, matso ngeno o di talela ngei nda.

Zwenezwo vha vhona goloi mavhone zaa ... ya da ya ima phanda ha matso avho. Vha vhona vathu vha tshi kwambatelana vha mbo di lumelisa nga meme dza mulomo. Vha dovha vha dovha hafhu. U fhedza uyu wa mufumakadzi a vula vothi, vha tshi sedza vha wana a hu na zwiwe, ndi Narina musadzi wavho. Vha 10
mbo di bwela tshifhatuwo tshavho zwandani vha sedza fhasi.

Zwothe zwo thoma sa madze. Havha vho Gideon Dimbalala vho do vhudza mufumakadzi Vho-Narina zwauri vhone vha khou ya mutanganoni ngeyo-ngeyo. Vha ri arali hu u vhuya vha do vhuya nga Swondaha. Mufumakadzi ndi u vha longela zwothe zwo fanelaho. Nangoho vha vha dzhena goloini vha ditutshela. 15

Vho Gideon Dimbalala vho vha vhona maitele a no nga ha fushi kha hoyu mufumakadzi wavho. Itali muthu arali o no vha na peta a sa hangi na luthi.

- 7.1 Mafhungo e na vhalafha a khou bvelela ngafhi? (1)
- 7.2 Mafhungo e na vhalafha a tana tshipida tsha mathomele. Ndi ngani ni tshiralo? (1)
- 7.3 Tsho vhangaho khudano vhukati ha Vho Gideon Dimbalala na Vho Narina mafhungoni aya ndi tshifhio? Tikedzani phindulo yanu. (2)
- 7.4 Talutshedzani mutaladzi wo swifhadzwaho no livhanya na zwe na vhalafha. (2)

- 7.5 Ndivho khulwane ya mafhungo a nganeapfufhi iyi ndi ifhio? Talutshedzani. (2)
- 7.6 Vho Narina vho vha vhe muthu-de malugana na vhudifari havho? (2)
- 7.7 Muane wa dende kha nganeapfufhi iyi ndi ...
- A Gideon Dimbala
- B Narina
- C Nora
- D B na C (1)
- 7.8 Nora na Vho Narina vho tanganywa nga zwiito zwino fana. Tikedzani likumedzwa ili no ditika nga zwi bvaho buguni iyi. (2)
- 7.9 Zwe Vho Dimbalala vha ita zwa u lalela mufumakadzi wavho zwi a itea vhutshiloni naa? Tikedzani. (2)
- 7.10 Ni vhona hu na pfunzo ye na guda kha nganeapfufhi iyi naa? Tikedzani phindulo yaṅu. (3)
- [18]

NA

MBUDZISO 8: 'DOKOTELA WA MUKHUWA NANDI' – LL Mafenya

Vhalani mafhungo a tevhelaho a bvaho kha nganeapfufhi ye na guda uri ni kone u fhindula mbudziso dzo vhudzishwaho. Vhulapfu ha phindulo yaṅu vhu do langwa nga tshivhalo tsha maraga dzo avhelwaho kha yeneyo mbudziso.

TSHIBVELEDZWA TSHA H

'Vhone, u vha misisi a zwi tsha shuma. Zwo no bva vhukati ha shango. Na mafhungo hayo a ngoma ya mukhuwa a ri na na mushumo nao. Tshine ra toda ndi u tshidza vhutshilo ha hoyu muthu.' Ndi sisita Mawela a tshi khou lingedza u fanyisela hoyu mukhuwa.

'Ohoho, arali muthu o takala a tshi khou takalela u vhona ngoma ya mukhuwa u do tou shonela thavhani ya Mposi!' Louw uri u amba izwi a mbo di isa phanda na u dubisa bibi yawe. 5

U bva afho Louw a mbo di ita lunzili lwa uri a vhidzelwe dokotela wa mukhuwa. Sisita Mawela na ene a si tende-vho. A ri dokotela a hu na muṅwe nga nnda ha onoyu o telwaho leneli duvha. Onoyu ndi dokotela Konani. 10

Dokotela Konani a tshi vhona mafhungo a tshi khou konda a tshi ya, a mbo di livha ha supritthenndede. A tshi swika a mu talutshedza a tshi khou humbula uri sa mukhuwa-vho, u do amba na mukhuwa wa hawe a pfesesa.

Supritthenndede na ene ndi u mbo ditanutshela dokotela konani. A ri a digudise mulayo wa u amba na mukhuwa zwavhudi. A tshi isa phanda a ri nahone sibadela itsho lufuno lwa mukhuwa ndi lwone lu no fanela u bveledzwa, lu si lwawe. U fhedza afho supritthenndede a mbo di doba lutingo a mbo di rwela muṅwe wa madokotela a mukhuwa uri a de a thuse mufumakadzi wa Louw. 15

- 8.1 Muanewa mupikisi ndi nnyi kha nganeapfufhi iyi? (1)
- 8.2 U ya nga mafhungo e na vhala, thaidzo i re vhukati ha vhaanewa vha vharema na vhatshena ndi ifhio? (2)
- 8.3 Talutshedzani uri mathakheni a nganeapfuthi iyi ndi ngafhi? (2)
- 8.4 U vhidzwa ha dokotela wa mukhuwa mafhungoni aya zwi ni fha muhumbulo ufhio? Tikedzani? (2)
- 8.5 Ni nga ri nea tsumbo ya u sa andana ha zwigwada/masia mavhili mafhungoni aya? Talutshedzani. (2)
- 8.6 Nyimele iyi i fhambana hani na kulangele kwa musalauno kwa zwibadela? (2)
- 8.7 Talutshedzani thero ya nganeapfufhi iyi. (2)
- 8.8 U lindelwa ha dokotela wa mukhuwa zwo vhangana lufu lwa mulwadze. Vhudipfi hanu ndi vhufhio malugana na zwo bvelelaho. (2)
- 8.9 Nga kuvhonele kwanu, zwe Konani a ita zwa u litsha mushumo ni vhona zwo tea naa? Talutshedzani. (2)
- [17]

THANGANYELO YA KHETHEKANYO YA C: 35

KHETHEKANYO YA D: VHURENDI

SHOTHODZO – TN Pholi na TK Mkansi

Kha iyi khethekanyo, mbudziso dzi bva kha zwirendo zwi tevhelaho:

- 'Thingothendeleki' nga TN Pholi
- 'Muungeledzi' nga TN Pholi

Fhindulani mbudziso DZOTHE kha zwirendo zwe na newa.

MBUDZISO 9

Vhalani tshirendo tshi tevhelaho uri ni do kona u fhindula mbudziso dzo disendekaho khatsho.

Thingothendeleki – TN Pholi

- 1 Ndi vhangana we wa vha leludzela vha takala?
- 2 Ndi hungana he wa hu leludzela ra pembela?
- 3 U fhaṭa hafha, wa thutha hafho.
- 4 U ṭavhanya sa lupenyo vhail!
- 5 Tshilengo a si tshau
- 6 Tshikolo ndo kundiswa nga iwe,
- 7 Mushumoni ndo thathiswa nga iwe,
- 8 Mbingano yanga yo pfuvhiswa nga iwe,
- 9 Thingothendeleki, iwe mutendeleki.
- 10 Mitodzi yanga namusi kheii,
- 11 A u i sedzi, u dzula wo fulela,
- 12 U khou ḍi thutha, ha thuthea,
- 13 U khou ḍi fhaṭa, ha fhateṭa,
- 14 Thingothendeleki, vhabebi vhau vha ngafhi?
- 15 Mmbudze, ndi vha vhudze vha tevhele niwana wavho.

- 9.1 Topolani vese/mitaladzi i no sumbedza uri ṭhingothendeleki dzi na zwivhuya na zwivhi. (2)
- 9.2 Bulani zwithu ZWIVHILI zwe luṭhingothendeleki lwa khakhisa murendi khazwo. (2)
- 9.3 Neani dzina ḷa figara ya muambo yo shumiswaho kha mutaladzi wa u thoma. (2)
- 9.4 Ipfi: 'Mitodzi' ḷi bvisela zwifhio khagala tshirendoni itshi? (2)

- 9.5 Vhudipfi ha murendi kha tshirendo itshi ndi vhufhio? Ni dovhe ni tikedze phindulo yaṅu nga zwi bvaho tshirendoni. (2)
- 9.6 Talutshedzani zwine vese 14 na 15 dza amba zwone. (2)
- 9.7 Vese/mutaladzi u no ri: 'Tshilengo a si tshau' i ni ḁisela tshifanyiso tshifhio malugana na ṱhingothendeleki. (2)
- 9.8 Ndi ufhio muhumbulo muhulwane une murendi a tama u bveledza nga itshi tshirendo? (2)
- 9.9 Inwi ni tshi sedza ni vhona ṱhingondeleki dzi dza ndeme kha vhutshilo ha musalauno? Ni tikedze phindulo yaṅu. (2)
- [18]

NA

MBUDZISO 10

Vhalani tshirendo tshi tevhelaho uri ni ḁo kona u fhindula mbudziso dzo ḁisendekaho khatsho.

Muungeledzi – TN Pholi

- 1 Ṽthoho yanga yo oma,
- 2 Ṽthi pfi ndi tshi ḁa ndi a ungeledza,
- 3 Ndo fara ḁa gunda mbava gwekwe,
- 4 Mukuloni hosho!
- 5 Zwa ya na vhusula.
- 6 Ndo ni vhona ni tshi femeleka,
- 7 Ndo ni pfa ni tshi raha-raha,
- 8 Na munḁedza milomo no farana,
- 9 Nga mbilu nde ndo fasha,
- 10 Ndi dwadzemboho, thi konwi nga dzilafho.
- 11 Ndi bumudzekanya zwikalaha ṱthoho dzo tshena,
- 12 Ndi maphekanya zwikegulu migo zwo fara,
- 13 Thivhilaedzwi nga u hula ha phanda ṱthohoni,
- 14 Ndi muungeledzi ndi ḁa nga mapitoni.
- 15 Vhaswa thi rabeledzi vhuswa havho,
- 16 Ndi fara nda vhu soṱekanya nda laṱa
- 17 Vhaswa vha shanduka vhakalaha nga husili,
- 18 Ṽthoho yanga yo oma, ndi liviavhathu.
- 19 Thishushedzwi nga lupfumo lwaṅu,
- 20 Vhuimo haṅu a si guru kha nṅe,
- 21 Ndi ni tzhipeledza maṱo a rondolwa
- 22 Lupfumo na vhuimo zwa sala.

- 10.1 Topolani ipfi li no amba tshithu tshi no ofhisa afha tshirendoni. (1)
- 10.2 Tshirendo itshi tshi khou amba nga ha mini? (1)
- 10.3 Talutshedzani zwine zwa khou ambiwa kha mutaladzi wa u thoma tshirendoni itshi. (1)
- 10.4 Talutshedzani uri muungeledzi u da hani kha vhathu? (2)
- 10.5 Ipfi 'liviavhathu' li ni disela tshifanyiso tshifhio no zwi livhanya na tshirendo itshi? (2)
- 10.6 Sedzani vese ya 4. Ndi ngani murendi o shumisa tshiga tsha u vhala tshi re kha iyo vese? (2)
- 10.7 Ndi vhafhio vhane vha vha zwipondwa zwa muungeledzi? (2)
- 10.8 Murendi o shumisa ipfi 'dwadzemboho' kha vese 10. Talutshedzani ndeme ya ipfi ilo kha tshirendo itshi. (2)
- 10.9 Ndi pfunzo ifhio ine ra wana kha tshirendo itshi? (2)
- 10.10 Nga kuhumbulele kwanu ndi zwifhio zwine vhathu vha nga ita u itela u kunda muungeledzi? (2)
- [17]

THANGANYELO YA KHETHEKANYO YA D: 35
MARAGAGUTE: 70